



## KENYATAAN MEDIA

### PERLANTIKAN PENERUSI LEMBAGA PERINDUSTRIAN NANAS MALAYSIA

1. **PUTRAJAYA:** YBhg. Datuk Abdul Malik Abul Kassim dilantik sebagai Pengerusi Lembaga Perindustrian Nanas Malaysia (LPNM) yang baharu berkuat kuasa 1 Jun 2019 yang lalu.
2. Menteri Pertanian dan Industri Asas Tani, Dato' Salahuddin Ayub berkata, perlantikan itu dibuat selaras dengan kuasa yang diberikan dibawah Seksyen 3(2)(a) Akta Lembaga Perindustrian Nanas Malaysia 1957 (Akta 427).
3. Beliau berkata, pemilihan itu dibuat setelah mengambil kira semua faktor termasuk pengalaman yang dimiliki oleh Datuk Abdul Malik yang pernah menggalas jawatan sebagai EXCO kerajaan negeri Pulau Pinang dan bekas Ahli Dewan Undangan Negeri (ADUN) Batu Maung sebelum ini.
4. "Saya yakin dengan kemampuan Datuk Abdul Malik untuk menerajui LPNM dan seterusnya dapat menjadikan LPNM sebuah organisasi yang terus ke hadapan dan memainkan peranan untuk memajukan industri nanas negara yang kian berkembang pesat dan kini menjadi salah satu tanaman penting dalam negara," kata beliau.
5. Beliau turut berkata, LPNM perlu terus komited dan mengambil peluang serta potensi yang terbuka luas dalam industri nanas yang mendapat permintaan tinggi terutamanya untuk pasaran eksport sekaligus dapat memberikan pendapatan yang lumayan kepada pekebun dan pengusaha terlibat.
6. Jawatan Pengerusi LPNM sebelum ini disandang oleh ADUN Semarang Johor, Datuk Samsolbari Jamali yang telah berkhidmat dari Julai 2013 hingga Jun 2018 sebelum di sandang oleh Ketua Setiausaha Kementerian Pertanian & Industri Asas Tani, Datuk Mohd Sallehuddin Hassan sebagai Pengerusi sementara dari Ogos 2018 hingga Mei 2019.

**KEMENTERIAN PERTANIAN DAN INDUSTRI ASAS TANI  
20 JUN 2019**